



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-05-20-40137-68/21
Sarajevo, 08.12.2021.god.

Služba za skupštinske poslove
skupštine Kantona Sarajevo
-ovdje-
Stručna služba Vlade Kantona Sarajevo
-ovdje-

Predmet: Odgovor na poslaničko pitanje, veza vaš akt 01-04-40137-67/21 od 19.11.2021.god.

Zastupnik Hamed Aljović je uputio inicijativu, na nastavku 44. radne sjednice Skupštine Kantona Sarajevo, održane dana 17.11.2021.godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213.stav(1) Poslovnika Skupštine Kantona Sarajevo. Ista glasi:

"Podnosim inicijativu da Ministarstvo privrede, pripremi prijedlog odluke o otpisu kamate korisnicima poljoprivrednih kredita koje je tokom 1998. i 1999. godine plasiralo Ministarstvo privrede Kantona Sarajevo".

Odgovor:

Ministarstvo privrede je dana 24.08.1999.god. potpisalo sa Evropskom unijom Memorandum o razumjevanju za pomoć stanovništvu iz oblasti poljoprivrede. Na osnovu istog, a u okviru Phare programa odobreni su krediti na 5 godina, uz grejs period od godinu dana i 2% kamate za kupovinu steonih junica. Izvršena je podjela 1176 junica za 1063 korisnika. Korisnici su odabrani na osnovu prijedloga službenika iz općina, a po zadatim kriterijumima. Sa istima su potpisani ugovori o kreditu. Inače Phare program je bio osmišljen kao pomoć oživljavanju stočnog fonda, na bazi revolving kredita. U potpisanom ugovoru između Ministarstva finansija i UPI BANKE d.d. Sarajevo, koji je potpisan u septembru 1999.godine u članu 2. je navedeno da Ministarstvo Banci ustupa 50% naplaćene kamate na ime naknade za obavljene bankarske poslove koje će naplatiti od svake uplate dužnika. Ministarstvo finansija je 16.04.2021.god. dostavilo ovom ministarstvu Izvještaj o povratu kredita po Phare programu sa stanjem 31.12.2020.god. izrađen od strane Intesa San Paolo Banke, iz kojeg crpimo podatke za ovaj odgovor.

Od početka otplate do 31.12.2020.god. ukupan povrat odobrenih kredita iznosi 1 583 651.62 KM. Isto je ostvareno uz brojne teškoće na koje su nailazili i aktivnosti koje su poduzimali Intesa San Paolo Banka, Ministarstvo finansija, Ministarstvo privrede, kao i Ministarstvo unutarnjih poslova, a kako bi se uspijela vratiti kreditna sredstva.



U dosadašnjem periodu u više navrata su inicirani zahtjevi za otpis kamata ili poništenje obaveza korisnika uopće po ovom kreditu. Međutim, u skladu sa Poglavljem VIII član 46. Zakona o Budžetima u Federaciji BiH ("Službene novine Federacije Bosne i Hercegovine" br. 102//13. 09/14 Ispravka. 13/14. 08/15. 91/15. 102/15. 104/16. 05/18. 11/19 i 99/19) utvrđeno je: "Budžetski korisnici odgovorni su za potpunu i pravovremenu naplatu prihoda i primitaka iz svoje nadležnosti za njihovu uplatu u budžet i za izvršavanje svih rashoda i izdataka u skladu sa namjenama. Budžetski korisnik je dužan provesti sve zakonom propisane radnje radi naplate potraživanja na osnovu ugovora ili bilo kojeg drugog potraživanja na osnovu javnih prihoda. Za nenaplativa potraživanja Vlada na obrazloženi prijedlog budžetskog korisnika može donijeti odluku o otpisu potraživanja."

Jedino što se moglo izaći u susret korisnicima bilo je reprogramiranje duga.

U izvještaju o reviziji finansijskih izvještaja Budžeta Kantona Sarajevo za 2007. godinu navedena je preporuka da Ministarstvo finansija i dalje usmjerava aktivnosti u cilju da Intesa Sanpaolo banka d.d. nastavi sa poduzimanjem svih zakonskih mjera za naplatu kredita plasiranih u okviru Phare programa za poljoprivredu Evropske unije, a da Vlada Kantona Sarajevo svojim aktom odredi ministarstvo kojem će dodjeliti u nadležnost raspolaganje sredstava ostvarenih iz povrata kredita, kao i njihovu namjenu. Vlada Kantona Sarajevo je donijela Zaključak kojim je Ministarstvo privrede ovlašteno da raspolaze sredstvima od povrata kredita i od tada se sredstva od povrata koriste za poticaje u poljoprivredi.

Takođe, Ured za reviziju izvještaja u Federaciji BiH prilikom revizije godišnjih finansijskih izvještaja o izvršenju Budžeta uvijek naglašava neophodnost naplate ovih potraživanja.

Moramo takođe imati u vidu da je prema informacijama iz Banke, na dan 31.12.2020.god. ukupno aktivno 412 predmeta, koji se vode pred nadležnim sudovima. Od toga je 83 predmeta po uložnim prigovorima prešlo u parnicu, a 329 predmeta je u fazi izvršenja (postupak naplate potraživanja na imovini dužnika), odnosno nalaze se u izvršnom postupku. Od dana pokretanja izvršnih postupaka, u cjelosti je obustavljeno 447 predmeta i to zbog izmirenja obaveza dužnika u cjelosti 285 predmeta, od toga je 26 sklopljenih vansudskih nagodbi, izvršenje je postalo nemoguće u 162 predmeta (neposjedovanje imovine, neuspjele prodaje pokretnih ili nepokretnih stvari, nepoznate adrese prebivališta, smrt izvršenika i dr.).

Dakle, imajući u vidu sve naprijed izneseno i razumjevajući u potpunosti tešku socio-ekonomsko situaciju stanovništva, te cijeneći doprinos stanovništava koje je učestvovalo u odbrani naše zemlje, smatramo da nije moguće pokrenuti postupak otpisa kamata korisnicima poljoprivrednih kredita koje je tokom 1998. i 1999. godine plasiralo Ministarstvo privrede Kantona Sarajevo.

Lijep pozdrav!



Dostaviti:
-naslovu-2X
-evidenciji
-a/a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

